



O'ZBEKISTON RESPUBLIKASI SUV XO'JALIGI VAZIRLIGI HAY'AT YIG'ILISHI BAYONI

2024-yil 17 iyul

№ 5

Toshkent sh

**Хайъат раиси
Иштирок
этдилар:**

Ўзбекистон Республикаси Сув хўжалиги вазири Ш.Хамраев
Т.Бутунбаев, Р.Қаршиев, Д.Ходжихмедов, Х.Қувондиқов,
А.Ўразкелдиев, Б.Мирзаев, М.Наджимов

Қатнашганлар:

**Республика
студиясида:**

Ўзбекистон Республикаси Сув хўжалиги вазирлиги хайъат аъзолари, вазирлик марказий аппаратининг бошқарма ва мустақил бўлим бошлиқлари, вазирлик тасарруфидаги республика ташкилотлари раҳбарлари, Қорақалпоғистон Республикаси Сув хўжалиги вазири, вилоятлар ирригация тизимлари хавза бошқармалари бошлиқлари, Оммавий ахборот воситалари ходимлари *(рўйхат бўйича)*

**Худудий
студияларда:**

Қорақалпоғистон Республикаси Сув хўжалиги вазирлиги, вилоятлар ирригация тизимлари хавза бошқармалари бошлиқларининг ўринбосарлари, Насос станциялари ва энергетика бошқармалари, Мелиоратив экспедициялар, йирик гидротехник иншоотлар ва сув омборлари, ирригация тизим бошқармалари, туманлар “Сув етказиб бериш хизмати” давлат муассасалари, “Сувқурилишинвест” давлат муассасалари ҳамда “Ўзсувқурилиш” АЖ таркибидаги масъулияти чекланган жамиятлар раҳбарлари *(рўйхат бўйича)*

Хайъат раиси кун тартибига киритилган масала билан хайъат йиғилиши қатнашчиларини таништирди ва муҳокамага қўйди. Йиғилиш кун тартиби ва иш регламенти хайъат аъзолари томонидан тўлиқ овоз билан тасдиқланди.

I. Вазирлик тизимида ижтимоий-иқтисодий ривожлантириш ва иқтисодий ислохотларни чуқурлаштириш бўйича 2024 йилнинг I ярим йиллик яқунлари ҳамда Ўзбекистон Республикаси Президенти ва Ҳукумат ҳужжатлари билан жорий йилга белгиланган прогноз кўрсаткичлар ва топшириқларнинг ижросини белгиланган муддатларда, тўлақонли ва сифатли таъминлаш юзасидан барча даражадаги раҳбар ва мутахассисларнинг шахсий масъулияти ва жавобгарлигини кучайтириш билан боғлиқ чора-тадбирлар тўғрисида

(Хамраев, Турсунов, Алимов, Бойсариев, Сиддиқов, Камилов, Турдиев, Жузбаев,
Тоиров, Файзиллаев, Ўразкелдиев, Қаршиев, Рахимов, Жўрабеов, Хамраев)

Кун тартибидаги масала бўйича Ўзбекистон Республикаси Сув хўжалиги вазири Ш.Хамраев, вазир ўринбосарлари Р.Қаршиев ва Х.Қувондиқовлар ҳамда Сув хўжалиги объектлари хавфсизлигини ва сувдан фойдаланишни назорат қилиш инспекцияси бошлиғи Р.Рахимовлар томонидан тақдим этилган ахборот ва маълумотларни тинглаб, қайд этилган хато-камчиликлар ва қолоқликларни зудлик билан бартараф этиш, ўз ечимини кутаётган мавжуд муаммоларни ҳал қилиш,

вегетация мавсумида мавжуд суғориш тармоқларини, шу жумладан, вилоятлараро ва магистрал каналлар, ирригация тизимлари, ички хўжалик суғориш тармоқларини, насос станциялари, суғориш ва мелиоратив қудуқларни жорий йил вегетация мавсумида узлуксиз, тўлиқ ва кафолатли ишлашини таъминлаш ҳамда Ўзбекистон Республикаси Президенти ва Ҳукумати ҳужжатлари билан 2024 йилга белгиланган прогноз кўрсаткичлар ва топшириқларнинг ижросини сўзсиз таъминлаш бўйича бошқарувнинг барча даражадаги раҳбар ва мутахассисларнинг шахсий масъулияти ва жавобгарлигини кучайтириш мақсадида ҳайъат йиғилиши

Қарор қилди:

1. Вазир ўринбосарлари, Вазирлик марказий аппаратининг бошқарма ва мустақил бўлим бошлиқлари ҳамда Вазирлик тасарруфидаги республика ва тизим ташкилотлари раҳбарлари томонидан Ўзбекистон Республикаси Президенти ва Ҳукумати ҳужжатлари билан 2024 йилга белгиланган прогноз кўрсаткичлар ва топшириқларнинг ижросини таъминлаш борасида 2024 йилнинг йилнинг I ярим йиллиги давомида амалга оширилган ишлар **қониқарсиз деб топилсин.**

2. Ўзбекистон Республикаси Президенти ва Ҳукумати ҳужжатлари билан сув тежовчи технологияларни жорий қилиш бўйича 2024 йилга белгиланган прогноз кўрсаткичлар ва топшириқларнинг ижросини таъминлашга масъулиятсизлик билан ёндошганлиги ҳамда жорий йилнинг I ярим йиллиги топшириқлари ижросини таъминлашга масъулиятсизлик билан ёндошганлиги учун Қуйи Зарафшон ирригация тизимлари ҳавза бошқармаси бошлиғи А.Убайдуллаев, Сирдарё-Сўх ирригация тизимлари ҳавза бошқармаси бошлиғининг биринчи ўринбосари Б.Холмуроджонов, Чирчиқ-Оҳангарон ирригация тизимлари ҳавза бошқармаси бошлиғининг биринчи ўринбосари С.Алимбековнинг эгаллаб турган **лавозимидан озод этилганлиги маълумот учун қабул қилинсин.**

3. Ўзбекистон Республикаси Президент маслаҳатчиси Ш.Ғаниевнинг 2024 йил 13 июлдаги “Ўзбекистон Республикаси Президентининг 2024 йил 5 апрелдаги ПҚ-153-сон қарорида белгиланган топшириқлар ижросини самарали ташкил этишга доир қўшимча чора-тадбирлар тўғрисида”ги йиғилиш баёни топшириқлари **раҳбарлик ва ижро учун қабул қилинсин.**

4. Ўзбекистон Республикаси Президенти ва Ҳукумати ҳужжатлари билан сув тежовчи технологияларни жорий қилиш бўйича 2024 йилга белгиланган прогноз кўрсаткичлар ва топшириқларнинг ижросини тўлиқ таъминламаганлиги, бу борада ишларни тизимли равишда ташкил этмаганлиги ҳамда топшириқлар ижросига эътиборсизлик билан ёндошганлиги учун Аму-Сурхон ирригация тизимлари ҳавза бошқармаси бошлиғи Б.Алимов ҳамда Сирдарё-Сўх ирригация тизимлари ҳавза бошқармаси бошлиғи Ф.Турсуновларга:

Ўзбекистон Республикаси Президентининг 2024 йил 5 апрелдаги “Ёшларга ер ажратилиш орқали уларнинг даромадларини ошириш ва бандлигини таъминлаш, шунингдек, янги ер майдонларини ўзлаштириш чора-тадбирлари тўғрисида”ги ПҚ-153-сон қарорининг ижросини таъминламаганлиги, янги ер майдонларини ўзлаштириш ва қайта фойдаланишга киритиш бўйича ҳисоботларга амалда ўзлаштирилмаган майдонларни асоссиз нотўғри киритилишига йўл қўйганлиги учун Қорақалпоғистон Республикаси Сув хўжалиги вазири Б.Жузбаев, Зарафшон ирригация тизимлари ҳавза бошқармаси бошлиғи в.б. А.Бойсариев ҳамда Чирчиқ-Оҳангарон ирригация тизимлари ҳавза бошқармаси бошлиғи Б.Қурбоновларга Ўзбекистон Республикаси Мехнат кодексининг 312-моддасининг биринчи қисми 1-бандига асосан **ҳайфсан эълон қилинсин.**

5. Сув тежовчи технологияларни жорий қилиш бўйича 2024 йилга белгиланган прогноз кўрсаткичлар ва топшириқларнинг ижросини тўлиқ таъминламаганлиги, ушбу топшириқларни бажаришга масъулиятсизлик билан қараганлиги, ишларни тизимли равишда ташкил этмаганлиги ҳамда бу борада хато-камчиликларга йўл қўйганлиги учун Фарғона (Жўраев), Ўзбекистон (Сотволдиев), Қува (Орифжонов), Данғара (Абдурахмонов), Юқори-Чирчиқ (Туропов), Ўрта-Чирчиқ (Базарбаев), Жарқўргон (Мустафоқулов), Денов (Абдумуродов), Музработ (Бўриев), Сариосиё (Турдиев) ва Бандихон (Норкўчқоров) туманлари “Сув етказиб бериш хизматлари” давлат муассасалари директорларига;

Ўзбекистон Республикаси Президентининг 2024 йил 5 апрелдаги “*Ёшларга ер ажратилиш орқали уларнинг даромадларини ошириш ва бандлигини таъминлаш, шунингдек, янги ер майдонларини ўзлаштириш чора-тадбирлари тўғрисида*”ги ПҚ-153-сон қарорининг ижросини таъминламаганлиги учун Ўртачирчиқ (Бозорбоев), Жарқўргон (Мустафақулов), Бўзатов (Қурбониев), Чортоқ (Жўрабоев), Олот (Шарипов) ва Самарқанд (Расулов) туманлари “Сув етказиб бериш хизматлари” давлат муассасалари директорларига Ўзбекистон Республикаси Меҳнат кодексининг 312-моддасининг биринчи қисми 1-бандига асосан **хайфсан эълон қилинсин.**

6. Инсон ресурсларини ривожлантириш ва бошқариш бошқармаси бошлиғи Х.Лапасов, Юридик хизмат ва мурожаатлар билан ишлаш бошқармаси бошлиғи Р.Шароповлар вазир ўринбосари-Сув хўжалиги объектларини эксплуатация қилиш агентлиги директори Р.Қаршиев билан келишилган ҳолда мазкур хайъат йиғилиши қарори билан интизомий жавобгарликка тортилган раҳбарларга нисбатан қўлланилган жазони расмийлаштириш бўйича **2 кун муддат ичида “Интизомий жазо чораларини қўллаш тўғрисида”ги** буйруқ лойиҳасини киритсин.

7. Ўзбекистон Республикаси Президенти ва Ҳукумати ҳужжатлари билан Вазирликка юклатилган вазифалар, шу жумладан, сув ресурсларини бошқариш, сувларнинг ҳисоби, ҳисоботи ва балансини шакллантириш ва юритиш мақсадида сув хўжалигининг диспетчерлик хизмати ҳамда гидрометрия хизмати фаолиятини такомиллаштириш, уларни олий маълумотли кадрлар билан таъминлаш юзасидан топшириқлар ижросини тўлиқ даражада таъминламаганлиги, мазкур топшириқ ижросига масъулиятсизлик билан қараганлиги учун Зарафшон (Бойсариев), Қўйи-Зарафшон (Убайдуллаев), Сирдарё-Зарафшон (Турдиев) ҳамда Қўйи-Сирдарё (Комилов) ирригация тизимлари ҳавза бошқармалари раҳбарларига **сўнги маротаба огоҳлантириш эълон қилинсин.**

Белгилаб қўйилсинки, сув хўжалигининг диспетчерлик хизмати ҳамда гидрометрия хизмати фаолиятини такомиллаштириш, уларни олий маълумотли кадрлар билан таъминлаш юзасидан топшириқлар ижроси жорий йилнинг 1 августига қадар таъминланмаган тақдирда уларга нисбатан Ўзбекистон Республикаси Меҳнат кодексининг 312-моддасига мувофиқ **меҳнат шартномасини бекор қилишгача бўлган интизомий жазо чоралари қўлланилади.**

8. Қорақалпоғистон Республикаси Сув хўжалиги вазири, вилоятлар ирригация тизимлари ҳавза бошқармалари, Вазирлик тасарруфидаги республика ва тизим ташкилотлари, “Сувқурилишинвест” давлат муассасалари, Насос станциялари ва энергетика бошқармалари, Мелиоратив экспедициялар, магистрал каналлар, сув омборлари ва сел-сув омборлари ҳамда хавф даражаси юқори бўлган бошқа сув хўжалиги объектлари, ирригация тизим бошқармалари ҳамда туманлар “Сув етказиб бериш хизмати” давлат муассасалари раҳбарларига:

2 кун муддатда Ўзбекистон Республикаси Сув хўжалиги вазирлиги томонидан жорий йилнинг 5 июлидан 25 августига қадар мавжуд суғориш тармоқларини, шу жумладан, вилоятлараро ва магистрал каналлар, ирригация тизимлари, ички хўжалик суғориш тармоқларини, насос станциялари, суғориш ва мелиоратив кудуқларни жорий йил вегетация мавсумида узлуксиз, тўлиқ ва қафолатли ишлашини таъминлаш ҳамда Ўзбекистон Республикаси Президенти ва Ҳукумати ҳужжатлари билан 2024 йилга белгиланган прогноз кўрсаткичлар ва топшириқларнинг ижросини белгиланган муддатларда, сифатли ва тўлақонли таъминлаш бўйича эълон қилинган **“Долзарб 50 кунлик”**нинг мазмун-моҳиятини сув хўжалиги соҳасида фаолият юритаётган барча даражадаги сувчиларга, шу жумладан, раҳбар-ходимлар, инженер-техник ходимлар ва ишчи-хизматчиларга етказиш;

3 кун муддатда жойларда 2024 йилнинг йилнинг I ярим йиллиги давомида амалга оширилган ишлар, йўл қўйилган хато ва камчиликлар, эришилмаган натижалар ҳамда ҳозирги кунда ўз ечимини кутаётган масалаларни танқидий руҳда муҳокама қилиб, уларни зудлик билан бартараф этиш ва ўз ечимини кутаётган мавжуд муаммоларни ҳал қилиш юзасидан вилоят, туман ва ҳар бир сув хўжалиги объекти кесимида чора-тадбирлар режасини ишлаб чиқиш, тасдиқлаш, Вазирликка тақдим қилиш ҳамда унинг ижроси ҳақида **ҳар ой якуни билан** Вазирликка ёзма равишда ахборот тақдим қилиб бориш;

3 кун муддатда “Ақлли сув”, “Дайвер”, насосларни “Онлайн” назорат қилиш қурилмаларига таъмирлаш ва техник хизмат кўрсатишга қаратилган жорий йилнинг 1 июлидан 31 июлига қадар муддатни ўз ичига олган **Календарь режа** ишлаб чиқиш ва тасдиқланган ҳолда Вазирликка тақдим қилиш;

5 кун муддатда Ўзбекистон Республикаси Президенти ва Ҳукуматининг ҳужжатлари билан 2024 йилга белгиланган прогноз кўрсаткичлар ва топшириқлар доирасида жорий йилда давлат-хусусий шериклик асосида бошқарувга бериладиган сув хўжалиги объектлари бўйича ҳар бир сув хўжалиги объекти кесимида ижро муддатлари ва ижрочилари белгиланган режа ишлаб чиқиш, Қорақалпоғистон Республикаси Вазирлар Кенгаши ва вилоят ҳокимликлари билан келишилган ва тасдиқланган ҳолда Вазирликка тақдим қилиш;

15 кун муддатда молиялаштириш ишлари амалга оширилиб, қурилиш ишлари якунланмай қолган майдонларни фермер хўжаликлари ва қурувчи корхоналар кесимида чуқур таҳлил қилиш ҳамда қисқа фурсатларда қурилиш ишларини якунлаш чораларини кўриш;

бир ой муддатда 2024 йилда сув хўжалиги объектларида ўрнатилиши режалаштирилган рақамли қурилмаларга талаб этилган маблағларни маҳаллий бюджетлардан ажратилишини таъминлаш;

бир ой муддатда пудрат корхоналари билан ҳамкорликда сув хўжалиги объектларида ўрнатилган техник носоз “Ақлли сув”, “Дайвер”, насосларни “Онлайн” назорат қилиш қурилмаларини таъмирлаш ва техник хизмат кўрсатиш ишларини ташкил этган ҳолда уларни тўлиқ ишга тушириш билан боғлиқ чора-тадбирларни амалга ошириш;

ҳар ҳафтада Ўзбекистон Республикаси Сув хўжалиги вазири томонидан тасдиқланган ҳар ҳафталик Режа-график асосида ҳудудларда ўқув-семинарларни ўтказилишини тизимли равишда давом эттириш, ҳудудларда ташкил этилаётган ўқув-семинарларда аниқланган хато-камчиликлар ва қолоқликларни зудлик билан бартараф этиш, ўз ечимини кутаётган мавжуд муаммоларни ҳал қилиш билан боғлиқ чора-тадбирларни тизимли равишда амалга ошириш ва натижаси ҳақида ҳар ҳафта якуни билан Вазирликка ёзма равишда ахборот тақдим этиш;

ҳар ой якуни билан кейинги ойнинг 3 санасига қадар иқтисод қилинган электр энергияси миқдорлари бўйича Вазирликка тегишли ҳисоб-китоблар билан асосланган ҳисоботларни тақдим қилиш;

ҳар ойда электр энергияси учун ҳақиқатда ажратилган маблағлар бўйича насос станцияларни ишлатиш юзасидан тегишли графикларни ишлаб чиқиб, вилоят ҳокимнинг қишлоқ хўжалиги бўйича ўринбосарлари томонидан тасдиқлатиш ва шу асосида насос станцияларни ишлатилишини сўзсиз таъминлаш;

насос станцияларга ўрнатилиши режалаштирилган электродвигател, куёш электр панеллари, куёш сув иситиш қурилмалари, конденсатор қурилмаларини ҳамда частота ўзгартирувчи қурилмаларни сотиб олинишини ва ўрнатилишини тўлиқ таъминлаш;

доимий равишда ишлаётган қудуқларни назорат қилиб, унга боғланган майдонларга сув тежовчи суғориш технологиялари жорий қилмаган бўлса уларни дарҳол ўчириш чораларини кўриш;

ирригация ва мелиорация объектларини қуриш ва реконструкция қилиш ҳамда мелиорация объектларини тизимли таъмирлаш-тиклаш ишлари тўлиқ якунлангач, уларни фойдаланишга топшириш олдидан маҳалла оқсоқоллари, кенг жамоатчилик вакиллари иштирокида тантанали тадбирлар ўтказиш ва уларни Вазирликнинг расмий сайти ва ижтимоий тармоқлардаги саҳифалари орқали ёритилишини ташкил этиш;

сув хўжалиги соҳасида олиб борилаётган ислохотлар, бунёдкорлик ишларини, қабул қилинаётган Ўзбекистон Республикасининг Қонунлари, Ўзбекистон Республикаси Президенти ва Ҳукумати ҳужжатлари ва уларнинг мазмун моҳиятини соҳада меҳнат қилаётган барча даражадаги раҳбар ва ходимларга етказиш мақсадида газета ва журналларга обунанани ташкил этиш ва уларни мунтазам равишда ўқиб борилишини таъминлаш, маънавий-маърифий ишларни кучайтириш;

Вазирликнинг расмий веб-сайти, матбуот котибининг Телеграм ижтимоий тармоғидаги канали, Facebook ижтимоий тармоғини сув хўжалиги соҳасида фаолият юритаётган барча даражадаги раҳбар-ҳодим ва ишчилар томонидан ҳар куни кўриб чиқилишини ва ўқиб борилишини ташкил этиш ҳамда Вазирлик фаолиятига оид муҳим воқеалар ва тадбирларни маҳаллий ва хорижий оммавий ахборот воситаларида, Вазирликнинг расмий веб-сайти, матбуот котибининг Телеграм ижтимоий тармоғидаги канали, Facebook ижтимоий тармоғидаги саҳифасида изчил ёритиб борилишини таъминлаш вазифалари топширилсин.

9. Сув хўжалиги объектлари хавфсизлигини ва сувдан фойдаланишни назорат қилиш инспекцияси бошлиғи Р.Рахимовга:

сув ресурсларидан тежамли ва оқилона фойдаланиш учун сувдан фойдаланувчилар ҳамда сув истеъмолчиларини сувдан фойдаланиш маданияти даражасини ошириш юзасидан зарур чоралар кўриш;

сувдан фойдаланиш ва сув истеъмоли қоидалари (тартиби)га риоя этилиши устидан тизимли назорат ўрнатиш;

каналлар, суғориш тармоқлари, сув омборлари, насос станциялари ҳамда бошқа сув хўжалиги объектларида сув ресурсларининг самарали бошқарилиши бўйича катъий назорат ўрнатиш;

сувдан фойдаланиш ва сув истеъмолида сув ресурсларининг ҳисоби ва ҳисоботини юритиш юзасидан тизимли мониторинг ва назорат ишларини амалга ошириб, аниқланган қонунчилик ҳужжатлари бузилиши ҳолатлари бўйича ўрнатилган тартибда кескин чоралар кўриб бориш ҳамда амалга оширилган ишлар тўғрисида ҳар ой якуни билан Вазирликка ахборот киритиб бориш вазифалари юклатилсин.

10. Вазирнинг биринчи ўринбосари Т.Бутунбаев, вазир ўринбосари Х.Қувондиқов, вазир ўринбосари-Сув хўжалиги объектларини эксплуатация қилиш агентлиги директори Р.Қаршиев, вазир ўринбосари-Сув хўжалиги лойиҳаларини амалга ошириш департаменти директори в.б Д.Ходжихмедов, Вазирлик марказий аппаратининг бошқарма ва мустақил бўлим бошлиқлари, Қорақалпоғистон Республикаси ва вилоятларга Вазирликдан масъул (*куратор*) қилиб бириктирилган масъул ходимларга:

2 кун муддатда Ўзбекистон Республикаси Сув хўжалиги вазирлиги томонидан жорий йилнинг 5 июлидан 25 августига қадар мавжуд суғориш тармоқларини, шу жумладан, вилоятлараро ва магистрал каналлар, ирригация тизимлари, ички хўжалик суғориш тармоқларини, насос станциялари, суғориш ва мелиоратив қудуқларни жорий йил вегетация мавсумида узлуксиз, тўлиқ ва кафолатли ишлашини таъминлаш ҳамда Ўзбекистон Республикаси Президенти ва Ҳукумати ҳужжатлари билан 2024 йилга белгиланган прогноз кўрсаткичлар ва топшириқларнинг ижросини белгиланган муддатларда, сифатли ва тўлақонли таъминлаш бўйича эълон қилинган **“Долзарб 50 кунлик”**нинг мазмун-моҳиятини сув хўжалиги соҳасида фаолият юритаётган барча даражадаги сувчиларга, шу жумладан, раҳбар-ходимлар, инженер-техник ходимлар ва ишчи-хизматчиларга етказиш;

2 кун муддатда “Долзарб 50 кунлик”да жорий йилнинг 25 августига қадар амалга ошириладиган ишлар бўйича Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, “Сувқурилиш-инвест” давлат муассасалари, Насос станциялари ва энергетика бошқармалари, Мелиоратив экспедициялар, магистрал каналлар, сув омборлари ва сел-сув омборлари ҳамда хавф даражаси юқори бўлган бошқа сув хўжалиги объектлари, ирригация тизим бошқармалари ҳамда туманлар “Сув етказиб бериш хизмати” давлат муассасалари кесимида Иш режасини ишлаб чиқиш;

ҳар 10 кунда жорий йилга белгиланган прогноз кўрсаткичлар ва топшириқларнинг ижросини вазирликнинг ZOOM платформаси орқали видеоконференцалоқа (ВКА) шаклида танқидий руҳда муҳокама қилиб, барча даражадаги раҳбар ва мутахассисларнинг шахсий масъулияти ва жавобгарлигини кучайтириш билан боғлиқ чора-тадбирларни амалга вазифалари топширилсин.

11. Ушбу ҳайъат йиғилиши қарорининг ижросини ташкил қилишни вазир ўринбосари-Сув хўжалиги объектларини эксплуатация қилиш агентлиги директори Р.Қаршиев, вазир ўринбосари Х.Қувондиқов, вазир ўринбосари-Сув хўжалиги соҳасидаги лойиҳаларни амалга ошириш департаменти директори в.б. Д.Ходжихмедовлар ҳамда уни назорат қилишни Вазирнинг биринчи ўринбосари Т.Бутунбаев зиммасига юклатилсин.

Мазкур қарор лойиҳаси ҳайъат аъзолари томонидан билдирилган таклифлар асосида тўлғазилди ва бир овоздан қабул қилинди.

Ҳайъат раиси



Ш.Хамраев